

საპილოტე პროექტების მოსამზადებლად სამხარეო ადმინისტრაციაში შეხვედრა გაიმართა

10 აპრილი 2017

კავკასიის რეგიონული გარემოსდაცვითი ცენტრის (RECC) ორგანიზებით პროექტის "ეკონომიკური და გარემოსდაცვითი სარგებელი მიწის მდგრადი მართვის გზით მონყვლადი სასოფლო თემებისთვის საქართველოში" მოსამზადებელი ფაზის პირველი სამუშაო შეხვედრა გაიმართა სამხარეო ადმინისტრაციაში, რომელსაც საქართველოს გარემოსა და ბუნებრივი დაცვის მინისტრის მოადგილე, ეკატერინე გრიგალავა, საქართველოს სოფლის მეურნეობის მინისტრის მოადგილე, გიორგი ჩხეიძე, შიდა ქართლის გუბერნატორი, კახა სამხარაძე, გორის მუნიციპალტეტის გამგებელი, დავით ონიაშვილი, კავკასიის რეგიონული გარემოსდაცვითი ცენტრის პროექტის დირექტორი, სოფიკო ახოზაძე და ადგილობრივი ფერმერები ესწრებოდნენ. ასევე, გაეროს გარემოსდაცვითი პროგრამისა (UNEP) და გერმანიის საერთაშორისო თანამშრომლობის საზოგადოების (GIZ) წარმომადგენლები. სამუშაო შეხვედრის მიზანს წარმოადგენდა დაინტერესებულ მხარეთა ინფორმირება პროექტის კომპონენტებზე, მეთოდოლოგიაზე, მიდგომებსა და მოსალოდნელ შედეგებზე. პროექტის მიზანია ხელი შეუწყოს ადგილობრივ დონეზე შესაძლებლობების გაძლიერებას კახეთისა და შიდა ქართლის მუნიციპალიტეტებისათვის. პროექტის ფარგლებში ყვარელის, საგარეჯოს, გორისა და ქარელის მუნიციპალიტეტებში განხორციელდება საპილოტე პროექტები მიწის დეგრადაციის ნეიტრალური ბალანსის მისაღწევად.